

सतगुरु जी ने मिलवा हालो रे सजलो ने सिंगार



सतगुरु जी ने मिलवा हालो रे,
सजलो ने सिंगार,
सजलो ने सिंगार,
सुरता सजलो ने सिंगार रे,
सतगुरु जी ने मिलवा हालों रे,
सजलो ने सिंगार।bd।

निर्मल नीर सीर पर रालो,
कचरो परू निवार,
राम नाम रो साबू लगा दे,
साफ करो तन सार रे,
सांवरिया ने मिलवा हालो रे,
सजलो ने सिंगार।bd।

गम रो गागरो पेर सुहागन,
नेम रो नाडो बाँध,
जरना री गाँठ जगत कर दीजो,
वीकरे हंसे संसार रे,
सांवरिया ने मिलवा हालो रे,
सजलो ने सिंगार।bd।

चेतन चुनड़ी ओढ़े सुहागन,
प्रेम री पटली पाड़,
राम नाम री तार लगादे,
जड़ रिजे भरतार,
सांवरिया ने मिलवा हालो रे,
सजलो ने सिंगार।bd।

ओपरा पियू ने निजर भर निरखो,
अजर अमर भरतार,
लुलखे सीस निवावो जिनने,
उतरे सिर रो भार रे,
रामैया ने मिलवा हालो रे,
सजलो ने सिंगार।bd।

समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



नाथ गुलाब गुरु मिलिया पुरा,
सिर पर पंधो धार,
भवानी नाथ सतगुरुजी रे शरणे,
सेहजा हो जाए पार,
सावरिया ने मिलवा हाल रे,
सजलो ने सिंगार।bd।

सतगुरु जी ने मिलवा हालो रे,
सजलो ने सिंगार,
सजलो ने सिंगार,
सुरता सजलो ने सिंगार रे,
सतगुरु जी ने मिलवा हालों रे,
सजलो ने सिंगार।bd।

Singer : Jogbharti Ji

“भजन श्रवण सिंह राजपुरोहित द्वारा प्रेषित”
सम्पर्क : +91 9096558244